



Aningaasaqarnermut Naalakkersuisoq

Ulloq: 23. december 2020
J.nr.: 01.31.06/20-00921

Aningaasaqarnermut Akileraartarnermullu Ataatsimiititaliap marlunngornermi ulloq 22. december 2020-mi aalajangiineranik Naalakkersuisunut ilisimatitsineq.

Sanaartornermi suliniutip Pisariillisaaneq-suliniut, ERP-p, naammassinissaanut aningaasanik atugassanngortitsinermit ilassummik aningaasaliineq missingersuutitut allannguutaanngitsoq – Suliaq 01.31.06/20-921

”Naalakkersuisut inassutigaat

Kontumi pingaarnermi 82.20.02 Pisariillisaaneq-suliniut, ERP, suliniutip normua 060.90.022 Pisariillisaaneq-suliniut, ERP aningaasaliissutit 4.200.000 kr.-nik 2020-mi qaffanneqassasut.”

Aningaasaqarnermut Akileraartarnermullu Ataatsimiititaliap oqaaseqaatai apeqqutaalu:

2020-mi IST-p inerner 4,2 mio. kr.-inik annikillierartussaasoq, taamaalillunilu missingersuutitut sunniuteqanngitsumik ilassutitut aningaasaliineq pineqanngitsoq Aningaasaqarnermut Akileraartarnermullu Ataatsimiititaliamit maluginiarneqarpoq (tamanna qulequttami allassimaneratut).

Taamatuttaaq ataatsimiititaliamit maluginiarneqarpoq ilanngussaq 1-imi (”Kontu pingarneq 82.20.02-mut, Nunaqarfinni isorliunerusunilu sanaartornermut periusissiamut tunngasumi”) missingersuutitut tapiliussami qupp. 2-mi ima allassimasoqarmat atuinerunerup “*kontumi pingaamermi 80.00.10-mi Sanaartugassanut Iluarsagassanullu Aningaasaategarfimmu utertitanit tiguneqarnissaa qinnutigineqartoq*”. Ataatsimiititaliap pisarnermisut inassuteqaat isummerfigaa, matumanilu IST-p inissisimanerata 4,2 mio. kr.-inik annikillineranik nassatarineqassaaq.

Siunissami ilassutitut aningaasaliissutit unatut ittut pinngitsoorumallugit suliniutitut ERP-tut ittunut aningaasartuutit amerlineqartarnerannik ingerlaavartumik nakkutiginnittoqarnissaa pillugu Naalakkersuisunut erseqqissaateqarnissaq ataatsimiititaliamit kissaatigineqarpoq.

Aningaasaqarnermut Akileraartarnermullu Ataatsimiititaliap aalajangiinera

Siuliani allassimasutut oqaaseqaateqarluni Naalakkersuisut inassuteqaataat Aningaasaqarnermut Akileraartarnermullu Ataatsimiititaliamit **akuersissutigineqarput**.

Inussiarnersumik inuulluaqqusillunga

Hermann Berthelsen

Aningaasaqarnermut Akileraartarnermullu Ataatsimiititaliap siulittaasua